



Broj: 11-16.6-3416-7/19  
Datum: 23.07.2019. godine

Na temelju člana 64. stav (1) tačka b), člana 70. stava (1), (3) i (6) Zakona o javnim nabavkama („Sl. glasnik BiH“, broj 39/14), na preporuku Komisije za javnu nabavku u skladu sa Zapisnikom o ocjeni konačnih ponuda broj: 11-16.6-3416-6/19 od 19.07.2019. godine, u pregovaračkom postupku javne nabavke usluge: Eksterna validacija opreme KF Titrator Methrom, direktor Agencije za lijekove i medicinska sredstva Bosne i Hercegovine d o n o s i

### **ODLUKU o izboru najpovoljnijeg ponuđača**

#### **Član 1.**

Prihvata se preporuka Komisije za javne nabavke u skladu sa Zapisnikom o ocjeni konačnih ponuda broj: 11-16.6-3416-6/19 od 19.07.2019. godine, te se ugovor za javnu nabavku usluge: Eksterna validacija opreme KF Titrator Methrom dodjeljuje ponuđaču MPS Lab d.o.o, Ul. Nedima Filipovića 12, Sarajevo, ID broj 4201145090008, za ponuđenu cijenu od 6.275,82 KM bez PDV-a, odnosno 7.342,71 KM sa PDV-om, kao najbolje ocijenjenom ponuđaču.

#### **Član 2.**

Prijedlog ugovora o nabavci dostavit će se na potpis izabranom ponuđaču MPS Lab d.o.o. Sarajevo po dostavljanju traženih dokaza u skladu sa tačkom 12. Tenderske dokumentacije, po proteku roka od 5 dana, računajući od dana od kada je jedini ponuđač obaviješten o izboru najpovoljnije ponude.

#### **Član 3.**

Za izvršenje ove odluke zadužuje se Kontrolni laboratorij, Sektor za finansijske poslove i Sektor za pravne i opšte poslove.

#### **Član 4.**

Ova odluka objavit će se na web-stranici [www.almbih.gov.ba](http://www.almbih.gov.ba) istovremeno s upućivanjem ponuđaču koji je sudjelovao u postupku javne nabavke, u skladu sa članom 70. stav (6) Zakona o javnim nabavkama Bosne i Hercegovine.

#### **Član 5.**

Ova odluka stupa na snagu danom donošenja i dostavlja se svim ponuđačima koji su sudjelovali u postupku javne nabavke, u skladu sa članom 71. stav (2) Zakona o javnim nabavkama Bosne i Hercegovine.

### **Obrazloženje**

Postupak javne nabavke pokrenut je Odlukom o pokretanju postupka javne nabavke broj: 11-16.6-3416-1/19 od 04.07.2019 godine. Javna nabavka je provedena pregovaračkim postupkom bez objave obavještenja. Upućen je poziv dobavljaču “MPS Lab” d.o.o. Sarajevo, kao jedinom ponuđaču koji može da ispunjava tražene uslove u skladu sa članom 21. tačka c) i članom 28. stav (1) Zakona o javnim nabavkama Bosne i Hercegovine te članom 34. Zakona o autorskim i srodnim pravima (“Službeni glasnik Bosne i Hercegovine”, broj 63/10). Procijenjena vrijednost javne nabavke bez PDV-a je 6.276,00 KM (slovima: sedamdesetdevethiljadaosamstotina KM).

Komisija za javnu nabavku imenovana je Odlukom broj: 11-16.6-3416-2/19 od 04.07.2019. godine.

Zapisnikom komisije broj 11-16.6-3416-4/19 od 18.07.2019. godine konstatovano je da je ponuđač kvalifikovan za pružanje tražene usluge u skladu sa zahtjevima Tenderske dokumentacije, te je isti pozvan da dostavi početnu ponudu i dođe na pregovore.

U toku pregovora, na osnovu dostavljene ponude, Komisija je sa ponuđačem uspostavila i razjasnila uslove ugovora, što je konstatovano u Zapisniku broj 11.16-3416-4/19 od 18.07.2019.godine na taj način da je utvrđeno je da je početna ponuda dostavljena na vrijeme i uredno zapakovana, koričena, ovjerena i numerisana. Shodno na ispunjenost osnovnih kvalifikacionih uslova, pristupilo se pregovaranju.

Pregovarano je o tehničkim elementima ponude i ekonomskim aspektima ugovora.

Komisija je Zapisnikom broj 11.16-3416-6/19 od 18.07.2019.godine, konstatovala da je ponuđač MPS Lab d.o.o. Sarajevo dostavio konačnu ponudu i u skladu sa postignutim dogovorima, te je komisija sačinila izvještaj o zaprimanju i ocjeni konačne ponude te preporukom direktoru o izboru najpovoljnijeg ponuđača u postupku javne nabavke usluge: Eksterna validacija opreme KF Titrator Methrom

#### RANG-LISTA OCIJENJENIH PONUDA

Red. broj	Naziv ponuđača	bez PDV-a (KM)	Sa PDV-om (KM)	Broj bodova
	Najpovoljniji uslovi	6.275,82	7.342,71	100,00
1	MPS Lab doo Sarajevo	6.275,82	7.342,71	100,00

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača te ocjenu pristigle ponude, u skladu sa kriterijima iz tenderske dokumentacije.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama Bosne i Hercegovine, podzakonskim aktima, internim aktima i tenderskom dokumentacijom.

Izabrani ponuđač MPS Lab doo Sarajevo je izabran primjenom kriterija najniže cijene, koja je ponuđena u iznosu od 6.275,82KM bez PDV-a, odnosno 7.342,71 KM sa PDV-om.

Iz navedenih razloga, primjenom člana 64. stav (1) tačka b) Zakona o javnim nabavkama Bosne i Hercegovine, odlučeno je kao u dispozitivu.

#### POUKA O PRAVNOM LIJEKU

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

#### Dostaviti:

1. Ponuđaču,
2. Komisiji za javne nabavke
3. Sektoru za finansijske poslove
4. Sektoru za pravne i opšte poslove
5. web-stranica
6. a/a

**DIREKTOR**  
dr. Aleksandar Zolak